


善見毘波娑沙律

牙九

三百四十七
伯九

50208



善見毗婆沙律卷第九

蕭齊外國沙門僧伽跋陀羅譯



伯

過要處者禪諸文句隨其形相於盜戒中次第分別隨色名色者隨其處所也名者隨其名号或一分或直一分或過一分如是為名何以故壹訖利沙槃分為四分此是現不淨物一分直者此是現淨物也過一分者或淨物過一分或不淨物過一分此是應足第二波羅夷地主者主四天下如轉輪聖王或一

天下如阿育王亦如師子王一處有如瓶沙
王波斯匿王一邊者一邊地王中間者領一
村二村亦名爲王典法者典知王法隨罪輕
重若殺若截鼻若截手足或大臣若太子或
邊地王悉皆得治是名爲王殺者斷命也或
鞭杖擯者遣出餘國賊者偷人物或少或多
皆名爲賊如是爲初得罪法師曰後次第句
易可解耳奪取爲初有六句此說竟若一分
若直一分若過一分現其所取問曰取一分
已犯罪何須云一分直若過一分答曰爲遮
未來世惡比丘故作此廣解地中地上物者
地中物者藏置地中此是律本中解也法師

曰此文句難解今欲廣說之藏者掘地以上而覆上或石草木如是爲初是名地藏若比丘言我欲偷地中藏物去時一切方便悉得突吉羅罪問曰云何方便答曰臨欲去時著衣運動至中路作是念此物巨大我不能獨取我今更覓伴如是進止皆突吉羅罪若至

伴所語言其處有寶藏我今共長老取答善即起得突吉羅罪說言某處有大埋珍寶今與長老共偷取若得若營功德用因此故我與長老無所乏少如是悉得突吉羅罪得伴已而求利鑿若自有利鑿往取用若無利鑿或至他比丘處或至白衣家借主問持鑿何

所用荅言小小用得突吉羅罪若故妄語須

鑿還寺用掘地得波夜提罪又一家解不然

悉得突吉羅罪何以故是偷方便故法師曰

故妄語得波夜提此解善若鑿無柄為求柄

故斫死木突吉羅罪斫生樹得波夜提罪又

一家解斫生樹得突吉羅罪何以故為偷方

便故若欲借鑿恐他人知欲自作鑿掘地愈

鐵傷地殺草悉波夜提突吉羅罪又一解悉

得突吉羅何以故是偷方便故若無藍入林

斫竹及藤作藍得波夜提如前所說或作得

想以此物供養三寶齋講設會如是言去時

無罪若作偷心去時得突吉羅罪若欲至蔽

俗九卷

二

處更斫草木爲路得波夜提罪若斫死木突
吉羅於中生者問曰何謂爲於中生荅曰歲
物旣久上生草木名於中生若斫伐此草木
得突吉羅罪法師曰有八種突吉羅罪問曰
何謂爲八一者方便突吉羅罪二者共相突
吉羅三者重物突吉羅四者非錢突吉羅五
者毗尼突吉羅六者知突吉羅七者白突吉
羅八者聞突吉羅問曰何謂爲方便突吉羅
荅曰知偷人覓伴及刀斧鑿隨其方便是名
方便突吉羅若波夜提處得波夜提罪若突
吉羅處得突吉羅罪共相突吉羅罪者若草
木於寶藏上生以刀斧伐之是名共相突吉

羅罪此中波夜提突吉羅波夜提罪悉成突
吉羅何以故方便偷故不應捉物者十種寶
七種穀種種器仗若捉者得突吉羅是名不
應捉物得突吉羅非錢者一切甘菓甘蕉子
椰子爲初若捉者得突吉羅是名非錢突吉
羅毗尼者若比丘入聚落乞食卷三至塵入盃中
不更受而受飲食受者得突吉羅是名毗尼
突吉羅知突吉羅者聞人唱已知而不出罪
得突吉羅是名知突吉羅白者若於十白中
以一白得突吉羅是名白突吉羅聞者佛語
諸比丘前亦未現滅得突吉羅是名聞突吉
羅此聞共相突吉羅何以故如律本所說若

草木於寶藏上生若斫伐者得突吉羅若正斫伐草木時而生悔心即還復本心因斫伐故得突吉羅能懺悔者得脫若無慙愧心能盡力掘土覓寶藏處亦得突吉羅一邊聚者死土并聚一邊得突吉羅前突吉羅滅若以手磨寶未動悉得突吉羅前聚土突吉羅滅

搖者得偷蘭遮法師曰突吉羅偷蘭遮此罪其義云何突吉羅者不用佛語突者惡吉羅者作惡作義也於比丘行中不善亦名突吉羅律本中偈

突吉羅罪者

其義汝善聽

亦名是過失

又名爲蹉跎

如世人作惡

或隱或現前

說是突吉羅 汝等自當知

偷蘭遮者偷蘭者大遮者言障善道後墮惡道於一人前懺悔諸罪中此罪最大如律本

十曷

說偷蘭遮罪

其義汝諦聽

於一人前悔

受懺者亦一

悔於一人前此罪最為大若搖動竟後更生悔心而作偷蘭遮懺悔得脫問曰十白突吉羅中去何而得突吉羅罪答曰未羯磨前白竟不捨得突吉羅一白羯磨竟不捨初羯磨竟不捨隨羯磨不捨得偷蘭遮取離本處者此比丘以盜心移轉餘處乃至一髮得波羅

夷罪若偏舉埋一邊未犯却離者得波羅夷
罪若埋邊豎三柱以繩懸爾然後鑿土四面
及下土盡得偷蘭遮若拔一柱二柱亦偷蘭
遮三柱俱去埋落地者得波羅夷罪以繩繫
埋著樹然後鑿土擔埋出隨繩長短未犯若
解繩離樹得波羅夷若不解繩斫樹斷者亦
得波羅夷埋伯上種樹卷作誌根生纏裹埋四比丘
掘土斷樹根波夜提突吉羅如前說樹根斷
埋隨樹起未犯從樹根挑取埋離樹如毛髮
許得波羅夷樹倒埋出塵轉離本處未犯從
彼離處波羅夷埋上有石發石開埋未犯重
得突吉羅內器者埋犬不可移轉將器來取

寶得一分得波羅夷若堽中有珠冠及金鎖
牽頭出後未離堽得偷蘭遮若截取一分得波
羅夷若滿堽寶以手搗取未離處指迸中
一分出還落堽中偷蘭遮若出離堽得波羅
夷有法師解堽底取寶已離堽底未出堽口
得波羅夷法師曰於戒律中宜應從急一飲
得波羅夷一飲直一分得波羅夷又一解分
別各異有大堽重脫不得與半以口就中飲口
未離堽得偷蘭遮若離者得波羅夷若持竹
筍飲入過頸一分得波羅夷若口含筍味取
口筍俱滿便舉以手塞筍頭以得離堽者
得波羅夷若以衣擲堽中所取堽裏蘇油衣

以離手得波羅夷又法師解不然若以衣擲
已而生悔心未舉得偷蘭遮若心不悔者舉
離埋得波羅夷若擲已主覺青直若還直得
偷蘭遮若不還得波羅夷若比丘自有空埋
外人來以蘇油置埋裏比丘以瞋心捉擲出
餘處不犯若不瞋以盜心取擲移餘處得波
羅夷伯若不移餘處九卷便鑽穿埋底五令蘇油一分
漏出得波羅夷若鑽蘇油埋當鑽時蘇油凝
強不出後得日多自然融出一分得波羅夷
若鑽孔大蘇油如膠出相續不斷出過一分
見已而生悔心便更取還復埋裏得偷蘭遮
若斷一分在外波羅夷若移埋置木石欲倒

落處者得波羅夷主人若以空塚置平正處未與蘇油擬與蘇油比丘知故便以大木石稽置塚擬作破想主人見比丘爲此事故若破時便責備直若還好若不還得波羅夷若比丘不作破想而以種種死屍及大小便內塚裏初未著塚得突吉羅若以著得偷蘭遮若著已主人見責備塚直不還得波羅夷若不作盜心但以瞋恚心故或打破或火燒或以水澆種種方便令主人不得作生活者得突吉羅應還主直若不還得波羅夷若以沙土石與塚裏以水澆盈滿出外者塚不復堪用應還主直若不還得如前罪法師曰地下

物今以廣說竟地上物今當說地上置物者
於地中或於殿上或山頂上如是爲初若置
是諸處不藏者是名地上置物或聚或散以
器盛法師曰前已廣明此義今當摠說或以
手搦取汝自當知蘇油蜜乳酪如水流無異
汝自當知物之輕重金鎖珠貫及長白氎若
移離本處如毛髮得波羅夷此是地上品竟
虛空物者孔雀爲初於孔雀中有六種處何
謂爲六一者孔雀口二者尾三者兩翅四者
脚五者背六者冠若比丘我欲盜取虛空中
孔雀孔雀欲飛比丘當前立住孔雀旣見比
丘不能得飛舒翅而住比丘得突吉羅舉手

觸之亦得突吉羅若搖動孔雀者亦得偷蘭
遮若捉牽尾離頭處得波羅夷傍牽左翅過
右翅得波羅夷上下亦尔若孔雀於空中下
就比丘一一身分住若在右手比丘以盜心
迴還左手離本處得波羅夷若自飛度不犯
以盜心將去初舉一步得偷蘭遮第二步竟
得波羅夷若孔雀作在地比丘盜心取他人孔
雀若捧孔雀一一身分未離地得偷蘭遮若
盡舉身分悉離地者得波羅夷罪若孔雀在
籠若盜心偷孔雀而合籠將去隨分多少得
罪若孔雀在園中食以盜心駢出孔雀過門
得重罪盜心捉孔雀擲園外得波羅夷罪若

孔雀在聚落中盜心駈出聚落界得波羅夷
若孔雀自遊行或至寺中或至空地比丘以
盜心或持杖或捉石木擲孔雀若孔雀驚怖
飛向林中或在屋上或還本處未得罪若盜
心故駈若離地一髮得波羅夷罪如是一切
諸鳥犯不犯與孔雀無異衣者迴風所吹上
虛空中比丘以盜心捉一一衣分得突吉羅
若捉衣動偷蘭遮離本處波羅夷此衣與孔
雀無異若衣從虛空落地比丘手捉取得突
吉羅離本處犯重罪墮落物者諸人以寶物
莊嚴其身寶物墮落不自覺知比丘遙見此
物從虛空下以盜心捉取此寶離地一髮得

波羅夷若袈裟墮落如前說無異虛空中物
廣說竟若牀上置種種諸物有可捉有不可
捉此事如地上諸物說無異若合牀將去離
本處汝自當知若袈裟在衣架者若比丘盜
心取架上袈裟離本處得重罪不關兩頭離
本處亦得罪邊至兩頭亦犯罪合架將去得
重罪若架裟結著衣架邊著兩頭偷蘭遮解
結將去波羅夷若比丘以袈裟繫四角作承
塵比丘盜心解一角乃至三角悉得偷蘭遮
若解四角波羅夷若袈裟置架上頭在架
上一頭著地頭離架未離地偷蘭遮一頭離
地未離架亦偷蘭遮若離架離地波羅夷若

伯

九卷

七

比丘以衣囊及諸雜物懸置鈎上若比丘盜
心捧囊未離鈎偷蘭遮出鈎外得波羅夷罪
若比丘以衣囊置楸上比丘盜心取離楸未
離壁偷蘭遮離壁未離楸亦偷蘭遮若離楸
離壁波羅夷又以衣囊及諸雜物置楸上比
丘盜心欲舉取脫落肩上若心悔還安楸上
偷蘭遮若重起盜心將去波羅夷若從楸舉
物重不能勝落地偷蘭遮若就地取將去波
羅夷問曰以何爲楸荅曰長一肘鑽頭釘著
壁曲楸象牙楸一切諸楸亦復如是若衣物
在樹上比丘以盜心取輕重如楸上廣說若
衣在菓樹上比丘盜心搖樹取衣衣未落比

丘見菓起盜心若搖菓落直一分波羅夷若
衣菓並不落偷蘭遮懸物品竟水處者安置
水中畏官為初藏置水中物於水中不敗銅
器為初水處者池為初若物置不流水中物
亦停心^土比丘以盜心水中覓物於淺處覓
去時步步得突吉羅罪若深處隨作方便得
突吉羅罪入水者波頭為初若未至物處或
見毒虵大魚及鱓種種惡獸見已怖走失無
罪法師曰捉物為初如前說無異汝自當知
處者捉物六處四邊及上下是為六處若池
中者蓮華為初若比丘以盜心取華隨直多
少結罪若折華時藕系未斷亦波羅夷若盜

心取藕掘地罪輕重如前說若水上置種種
雜物比丘以盜心要期牽物至某處某處當
取牽未離處偷蘭遮若舉離水處一髮波羅
夷若華束在水中流若盜心解束偷蘭遮離
束波羅夷六處境界如前說若盜心拔華根
未斷盡偷蘭遮根斷盡波羅夷若池乾無水
掘華四邊斷根偷蘭遮九卷離本處隨直多少結
罪若池中有魚魚有主一池水中是其處若
比丘以盜心鈎取或網取或安魚笱魚未入
突言羅魚入者偷蘭遮若舉魚離水波羅夷
若魚跳出網上岸偷蘭遮從岸上取離處隨
直多少結罪龜鼈亦如是若比丘盜心欲取

魚池大捉不能得攝作小池引魚令入若魚
入小池突吉羅若從小池取魚捉不得魚還
入大池偷蘭遮若魚未至小池亦偷蘭遮若
從瀆中及小池中取離處隨直多少結罪若
池水涸欲盡魚併聚一處他與藥魚死比丘
不知作糞掃取不犯若知有主盜心取隨直
多少結罪若魚主責直應還不還犯罪若魚
主取魚竟無守護心比丘以盜心取偷蘭遮
法師曰此罪輕重如前說汝自當知水品竟
船者凡用度江乃至用繩此中凡能載物盡
名爲船於船中有人無人及諸雜物如前說
若比丘以盜心欲偷船覆自念言我欲取船

無伴我今覓伴去捉搖如前說解繩者若解
繩繩未離處突吉羅繩離處偷蘭遮波羅夷
法師曰我今廣說若繫船在急水若繩斷波
羅夷若不流水中斷繩船未離處偷蘭遮若
船離處波羅夷若不流水中先離處後斷繩
繩斷波羅夷若船在陸地離處波羅夷若以
兩木支船伯盜心去一木偷蘭遮去兩木支船九卷
落地波羅夷若船在陸地比丘以盜心長索絞
車牽離處偷蘭遮離處解繩波羅夷若船在
水不繫比丘以盜心上意欲向東風吹向西
偷蘭遮若起盜心隨所至處取波羅夷若悔
心爲風所吹更還本處主索應還若不還主

波羅夷舩品究竟
乘者車爲初車貯雜物有識無識如前說若
車貯穀比丘以盜心用器椀取器未離處偷
蘭遮器離處者波羅夷若車重不能牽覓牛
欲牽初覓牛突吉羅得牛牽車牛舉一脚偷
蘭遮牛舉四脚波羅夷若意欲向南牛向東西
偷蘭遮若復還本路波羅夷若懸車在壁盜
心取犯不犯如懸盃囊無異乘品竟
戴物者以頭戴之法師曰我欲釋此義頭者
從咽喉後髮際以上是名爲頭若諸雜物在
上悉名頭戴從咽喉髮際以下名之爲肩若
腋以下腹以上是名荷挺突吉羅餘如前受

寄頭戴物說餘有腹境界亦如是此次第句
義易可解耳戴物品竟

園者華園菓園生諸香草比丘以盜心掘取
隨直多少結罪若園中樹皮盜心剝取隨直
多少結罪華菓亦如是若諍園林者他園林
比丘強諍奪初欲諍時突吉羅今園主狐疑

偷蘭遮若園主作捨心比丘波羅夷若園主
未作捨心比丘取園作決定得想波羅夷若
言官行貨諍園得勝園主作失想比丘波羅
夷若僧中判事僧知故違理判者判主得波
羅夷若僧中詳依理判諍者不如偷蘭遮園
品竟

寺中者於寺中置諸雜物有四處舉物如前
所說若房舍施與四方衆僧或大或小若比
丘欲諍取此房不成諍無譴主故不犯重罪
若檀越施一衆乃至一人若盜心取此房主
作失心盜者作決定得想犯不犯如前所說
寺品略說竟

伯

九卷

田中者有二種田何謂為二一者富槃那田
二者阿波蘭若曰問何謂為富槃那田有七
種穀秔米為初何謂為阿波蘭若田荳為初
乃至甘蔗若比丘盜心取穀滿一分犯重罪
若穀未刈比丘以盜心覓鎌覓擔覓藍種種
方便得突吉羅若以手攬捉得偷蘭遮若捉

斷與餘生者相連著未離本處得偷蘭遮若
解脫相離隨直多少結罪若盜心取稻作米
前運動方便突吉羅若扱稻打稻舂墮一一
作得偷蘭遮若成米內器離地波羅夷若比
丘與他諍田如前所說若比丘偷他田地乃
至一髮大作決定盜心得波羅夷何以故地
深無價故若此比丘來問衆僧今取此地僧
荅同者皆得重罪若有二標若比丘舉一標
得偷蘭遮舉二標波羅夷若地有三標若舉
一標突吉羅舉二標偷蘭遮若舉三標得波
羅夷若地有多標舉一標得突吉羅乃至二
標皆突吉羅餘後二標舉一偷蘭遮舉二波

羅夷若盜心以繩彈取他地初一繩置一頭
偷蘭遮置繩兩頭波羅夷若書地作名字初
書一頭偷蘭遮書地兩頭波羅夷若盜心唱
言齊是我地田主聞已生狐疑心恐失我田
是比丘得偷蘭遮罪若田主作決定失想得
波羅夷說田品竟

伯

九卷

十二

地者宅地園地有樹無樹有籬無籬如華園
品說亦如田品說略說地品竟

聚落者律中已廣說竟阿蘭若者是地有主
法師曰亦有無主云何有主無主答曰若草
木在林中無直不得取是名有主若草木在
林隨意斫伐無人訶問是名無主若比丘有

主阿蘭若物隨直多少結罪有主阿蘭若與
擲去不堪用物取者無罪若有主阿蘭若木
柱及諸雜物久久在中無人收拾比丘借取
用後主來求相還取者無罪若比丘賣直至
有主阿蘭若林中語守林人汝聽我且取材
木取竟便還汝直若守林人荅言若尔隨意
取比丘便使人入林隨意而取取者無罪若
林主語守林人言有比丘取者汝莫取直而
守林人從索直比丘應與若守林人眠不覺
或餘處行不在比丘便入林中取木後守林
人還見從索直比丘應與若比丘入林取木
竟爲賊覓所逐恐怖未得還直後應還直若

不還隨物多少結罪若比丘入林中不問守
林人以盜心輒取他物若過境界隨直多少
結罪阿蘭若品竟

水者盛置在器及乏水時是諸家中各各盛
置大器以比丘以盜心鑽器覓鑽及微少鑽者
得突言羅若鑽未徹得偷蘭遮鑽徹得水隨

直多少結罪若器小者比丘傾器取隨直多
少結罪若器口大以小器內中取者如前偷油
品所說若他池水比丘以盜心掘地決取若
水流出過一分比丘得波羅夷罪若比丘以
方便盜心掘他地池邊垂徹而置欲使他因此
處破及小兒破或牛踐破若水因此處出比

丘得波羅夷若池中有大樹比丘為求水故
便斫樹墮池中樹帶浪起池邊崩穴水便流
出隨多少直結罪若比丘有二池一池有水
一池無水各在他池兩邊他池多水比丘以
盜心便掘穴已有水池邊通注他池令水流
溢灌入已無水池若損他池水隨直多少結
罪若比丘田近他無水池九卷以方便心掘池通上二
田天雨水從池入田池主來索水直比丘應
還若不還隨直多少結罪若衆家共有一池
分水注田比丘以盜心斷取他水令入已田
若禾未死偷蘭遮若禾死隨直多少結罪水
品竟

揚枝者如前園中所說法師曰若衆僧雇人
取揚枝未還衆僧揚枝猶在其處猶是雇者
物比丘以盜心前選擇取隨直多少結罪若
衆僧雇人典掌物比丘先不白衆僧以盜心
取隨物多少結罪若衆僧差沙弥次第十五
日爲衆僧取揚枝沙弥擇好者與師僧未及
得分比丘以盜心擇取隨多少結罪若揚枝
已在僧常用處取者無罪取揚枝法汝等應
知問曰云何可知荅曰若衆僧日取三揚枝
亦隨僧取三揚枝若入禪室及聽講并取五
六揚枝若盡已更取亦得何以不併多取而
取五六爲人譏嫌故揚枝品竟

樹者若間浮菴羅樹及胡椒藤若以盜心以
刀斫樹及藤樹斷皮猶相連偷蘭遮斷者波
羅夷藤斷而猶在樹波羅夷若以盜心斫樹
過半而置若樹自此而折者應計多少還直
不還犯罪若以毒骨刺樹殺亦如是樹品竟
展轉偷者若偷人取物比丘以偷心奪取物
離偷人身分伯若此人健又拍比丘奪得物還
者比丘雖不得物亦得波羅夷罪何以故以
決定得偷心離本處故若此物主不置比丘
強牽取未離手得偷蘭遮離手犯重若以盜
心脫人手釧環出手者波羅夷猶在手者偷
蘭遮脚亦如是若盜剝取他衣初捉衣突吉

羅牽衣動偷蘭遮離身波羅夷若牽衣斷隨
直多少結罪若盜心偷人及身上衣若將去
初舉一脚偷蘭遮舉二脚波羅夷若盜心又
偷身及衣人走突吉羅人擲衣置地比丘手
捉亦突吉羅若動衣偷蘭遮離本處波羅夷
若盜心偷身及衣人走逐不及比丘言汝脫
衣擲地置汝身若人以手初解衣突吉羅衣
解偷蘭遮衣離身分波羅夷若比丘盜心偷
人及衣人走解衣置地比丘猶逐人不置不
及而反還取衣離地波羅夷若盜心偷人人
走荒怖脫衣擲去比丘逐猶不置不得人而
還見衣在地比丘言此人擲去衣我當拾取

不犯偷人得突吉羅若人迴頭遙語比丘莫
取我衣比丘若取衣離地波羅夷若人以捨
心擲衣走比丘逐人旣不得而還見衣在地
言此衣我力所得即便拾取突吉羅又有一
師解言不得突吉羅何以故衣主以捨心故
展轉偷品竟

受寄者若人寄物在比丘處物主來求比丘
言我不受汝寄妄語應得波夜提爲是偷方
便故得突吉羅若比丘念言此人寄我物無
人知我今爲還爲不還得偷蘭遮若比丘決
定心得物主作失心得波羅夷若比丘言我
惱之彼若強諍者我還衣不諍者我當取物

主以失心與比丘取此衣者波羅夷若受人
寄物物主來求口還而心決定不還物主作
狐疑心比丘得波羅夷若受寄以盜心移物
置別處突吉羅若以物易食盡物主來問猶
突吉羅若物主還問不還物者波羅夷罪若
借用者無罪若見他盜精好合衆盜并與上
座處若以盜心取己屨盜與上座處欲易取
他好蓋以方便誘彼比丘令過夜失眠竊起
至上座處言我欲遠行取他盜相言我盜盜
囊如是相如是形上座與盜盜離本處彼比
丘得波羅夷若上座已取盜竟欲付盜比丘
上座言汝是誰非時取盜盜比丘聞上座語

伯

九卷

十四

驚怖而走亦得波羅夷上座以好心取盜無
罪若上座生心言此比丘已走我盜取此亦
得波羅夷若上座夜闇自誤取已盜與盜比
丘盜比丘得突吉羅若上座誤取盜比丘盜
還與盜比丘盜比丘得突吉羅上座無罪復
一比丘盜心禮上座言我是病比丘與我盜
來上座言此房無病比丘汝當是偷上座又
先與同房比丘共諍上座盜心取共諍比丘
盜與賊比丘上座及盜比丘俱得波羅夷若
上座以盜心取諍比丘盜不得諍比丘盜眾
得賊比丘盜與賊比丘上座得波羅夷若上
座以盜心取共諍比丘盜不得諍比丘盜上

座自還得已益與賊比丘上座及偷比丘俱
得突吉羅若上座將物與年少捉言我將汝
至某處年少比丘懷盜心捉物逐上座至所
在年少比丘默捨上座將物走先一步得偷
蘭遮二步得波羅夷若上座將年少比丘捉
物入聚落乞食年少比丘懷盜心言捉物逐
上座入聚落念言我至聚落當去未至聚落
步步突吉羅一脚界外一脚界內偷蘭遮兩
脚入界波羅夷若捉聚落中起盜心出犯亦
如是若上座使年少比丘汝將此衣往彼聚
落浣染年少比丘起盜心將物去步步迴轉
物皆突吉羅若過所期處波羅夷若至聚落

伯

九卷

十五

以衣易食或賣未犯重若還衣主問衣在何
處比丘荅已易食盡主責衣直應還若不還
波羅夷若比丘以盜心強爲上座浣衣若上
座授衣與盜比丘衣離上座手盜比丘得波
羅夷若盜比丘生心念言將此物至聚落我
當取犯亦如是若上座衣不淨以衣現相欲
使人浣年少比丘以盜心問上座言此衣欲
浣年少問言何處浣上座言隨長老所至處
浣若年少隨所至處突吉羅若用物者偷蘭
遮若上座求衣不還者波羅夷若上座以氎
寄檀越年少比丘以盜心詐往上座檀越家
詐言上座教我來取氎若寄夫夫與寄夫婦

與寄婦夫與隨氎入比丘手一一波羅夷若
檀越語上座言我欲請上座食并施白氎一
張年少比丘知往至檀越家語檀越上座教
我來且前請氎食至日當受檀越即以氎與
之上座後知從年少索氎若不還氎波羅夷
若檀越請二比丘夏坐夏坐竟施白氎二張
一氎一細不現前與後上座遣年少比丘就
檀越請氎檀越以氎付年少比丘言細者與
上座麁者與年少年少將氎還置一處上座
問言何者與我年少以盜心答言上座麁者
是若上座取麁氎年少比丘得偷蘭遮年少
取細氎離本處波羅夷若年少比丘以盜心

書巽作字細者自作己名後上座依名取巽
年少比丘得偷蘭遮年少取巽得波羅夷若
客比丘入寺見舊比丘作袈裟客比丘心念
此舊比丘故當爲我看此盃默置而去後遂
失此盃客比丘不得責盃何以故不付囑故
若付囑舊比丘不解客比丘語客比丘謂舊
比丘九卷已受付囑後遂失此盃十六客比丘亦不得
責何以故由不了語故若付囑盃舊比丘荅
言善哉若後失盃應責償何以故爲付囑故
若知典盃庫比丘若出入諸比丘盃忘不開
戶失諸比丘盃應償若人穿壁偷不償若諸
比丘語典盃比丘長老晨朝出盃置外我等

遣人守護守護人眠睡失盜典盜比丘不須
償若典盜比丘諸比丘付盜懶開庫而以盜
置己私房若失盜責償若典盜庫比丘開盜
庫戶未得閉忽得卒病不展轉付囑失盜不
償若典庫比丘閉庫而眠有賊來喚開戶比
丘不開賊云我得戶開我殺汝比丘亦不開
賊而以斧斫戶比丘念言我若不開復死復
失盜於是開戶賊悉將盜去比丘不得責若
知盜庫比丘以鑰匙與客比丘客比丘遂開
庫今將盜去知庫比丘應償盜若上座向知
盜庫比丘言我欲寄盜庫主共長老看盜若
開戶不開失盜二人共償若上座將人入庫

知盜庫比丘言莫將人入上座言無所苦矣
盜上座自償若知僧庫藏比丘衆僧作大會
出內雜物一人不贍若有所失知庫比丘不
償若外利養入知庫比丘得受兩分若頭陀
比丘雖住寺中不任僧房不食衆檀越日爲
起房衆僧不得差作維那及知事使若比丘
若於讀誦教化說法能得利養利衆僧衆僧
不得差知僧事有房舍衣盜應先以好者與
之飲食菓木得加分與若比丘受用僧房舍
衣盜若慢藏失僧物悉應償得差看師供養
具不得辭有所失悉償失官稅者應輸稅者
不輸以偷過官稅若初捉突吉羅隱藏偷蘭

遮不輸過官稅處波羅夷若盜心擲落稅外
波羅夷落稅內偷蘭遮若擲稅外物還展轉
入稅內波羅夷又法師說偷蘭遮若有大木
作橋一頭稅界內一頭稅界外若以盜心將
物從上過未度木偷蘭遮過木波羅夷若二
人共稅一人稅界外一人在稅界內偷蘭遮
二人悉出稅界外波羅夷若將牛馬負物過
官稅處比丘語受稅人隨汝稅取估直受稅
人忘牛遂自出稅界外比丘不犯何以故已
語受稅人故若比丘將至官稅處一人欲稅
一人言置比丘輸度不犯若比丘物至官稅
處欲輸稅受稅人言小小不頭稅比丘將物

度無罪若比丘將物至受稅人處受稅人正
捕博戲比丘三喚不應比丘委去無罪若比
丘將物至官稅處卒有水火賊難各驚走四
出不受稅比丘委去不犯稅界者亦擲石所
及處若比丘將物不至稅界過去不犯法師
曰我欲現偷人無罪云何無非答曰無主人
故無罪若人見落度父母以水灌頂遣去或
父母死亡比丘取如是人無罪若負他人責
比丘將去死無罪家生或買得或破得云何
家生家中奴婢生云何買得以物買得云何
破得與軍破得律本中說若偷如是人得罪
初提突吉羅若抱舉一脚離地偷蘭遮若兩

脚離地波羅夷若恐怖駢去初方便小罪若
舉一脚偷蘭遮舉兩脚波羅夷若他人奴比
丘語言汝在此辛苦何不叛去若至他處可
得適意若奴聞比丘語已初發心欲去突吉
羅若初舉一脚偷蘭遮舉兩脚波羅夷若奴
叛有衆多比丘語其道催令使去隨語比丘
得重罪若奴九卷使走比丘六語言汝如是走可脫
比丘無罪若奴安徐去比丘語言汝如是寬
行郎主當捉得汝奴聞比丘語即便駢去比
丘犯重罪若奴叛走已至他國比丘語言汝
可更餘處去汝主求逐汝奴聞比丘語即叛
去比丘犯重罪若比丘語言汝此處辛苦某

處極樂奴聞比丘語即便叛去比丘不教去
無罪有比丘作是言某方極樂道路處處豐
饒飲食誰能逐去者奴聞此語便自隨比丘
去比丘即駢使此人比丘無罪若至半路虎
狼賊難比丘喚走無罪偷人品竟

無足者蚘蚘有主世人以蚘為伎若有觀看
或與一錢乃至半錢此人置蚘睡眠比丘盜
心將去隨直多少結罪蚘在函中比丘盜心
以蝦蟆餌之或手牽出離函隨直多少結罪
無足品竟

二足者鬼人為初惟鬼不可偷三種鳥一者
毛翅二者皮翅三者骨翅毛翅者孔雀雞為

初皮翅者蝙蝠為初骨翅者蜂為初比丘盜
心隨直少多結罪如前說無異四足者一切
畜生象為初若盜心大力能抱象離地波羅
夷若象在廐或繫腹或繫頸或繫四足若解
縛離本處若不繫駘出屋外若在外駘出門
若在聚落駘出聚落界若在阿蘭若處駘行
離四足處伯若眠駘九卷起十五九隨一離處波羅夷牛
馬驢駱駝一切四足亦如是若半在欄以欄
為界解縛駘出如前所說若以草誘去隨離
處犯罪若喫牛名解語隨出犯罪亦如前若
牛眠地殺牛主責應還直若不還犯重罪四
足品竟

多足衆生者百足蜈蚣由蜈蚣若一舉脚九十
九偷蘭遮若舉最後脚隨直多少結罪名
足品竟

若爲賊往他人家看處所籬壁穿破處還

來語賊賊聞比丘說依事往取隨物離處若
衆多比丘遣一比丘往一切犯罪若教一比
丘看物處所有比丘言不須遣其去我自往
看此比丘犯罪教者被教者無罪衆多比丘
強將一比丘共偷得物便駢此比丘守視諸
伴更覓物去此守物比丘起盜心物中好者
便偷將舉隨直多少結罪衆多比丘者衆多
比丘作是言我等共往某鄉某處相與共偷

諸伴悉同而去一人入取物物離本處悉得
波羅夷於問難中四人共偷三人得罪一人
得脫我今問汝汝當善思答曰有四比丘一
是師三是弟子欲偷六摩娑迦師語弟子言
汝人各偷一摩娑迦我偷三第一弟子言和
上偷三我偷一汝二人各偷一餘二人展轉
相教亦如是師自偷三錢偷蘭遮教三弟子
偷亦偷蘭遮何以故自偷異教人偷異是故
二偷蘭遮三人去何得重罪爲教他偷五摩
娑迦故是得重罪汝當善思者於盜戒中義
理分別當善思去何善思一種物置一處復
一種多處多種置多處此事汝當善識去何

一種物置一處有一人以五摩娑迦置店肆
中衆多比丘見遣一比丘往取離本處衆多
比丘悉得波羅夷有一人五店一摩娑迦
衆多比丘遣一比丘往五處取最後處得波
羅夷種種物置一處諸雜物置一處或直五
摩娑迦或直過五摩娑迦置一處衆多比丘
遣一比丘取此比丘舉物離地衆多比丘得
重罪種種物置多處有五人各有一店衆多
比丘遣一比丘取最後離本處衆多比丘犯
重罪教品竟

相要者其時共去或中前中後或夜或今日
或明日或今年或明年相要不絕時刻不違

犯不犯如前所說苦不從教教中前取而中
 後取教初夜取而後夜取教白月取而黑月
 取教此年取而後年取教者犯小罪取者犯
 波羅夷若時刻相應俱得罪相要品竟

善見毗婆沙律卷第九

伯

攀反音諫 匿反尼力 鞭反必 綿 垵音剛 鑷反俱 縛 籃反芦甘

藤騰音 全反蒲悶 蹉反十何 誌音志 挑反土 擗尼厄尼

唼音胡 鑽反子官 凝強上下 魚陵反 灸反 隻音 融余弓 摺反

澆反音古堯 盪湯蕩 擗反其月 鯀反吾各 魚笱下音

跳音條 瀆音讀 涸音鶴 絞反去下 咽音煙 喉音 腋音亦 荷音

叔又音踐羨償音懶又音郎宰鑰匙上音藥下音叛音
 也背蝦字音餌而志編蝠上音綿及蜂音峰音
 救虫延由二字音



